

四庫全書

集部

欽定四庫全書

集部

公是集卷

二十六至
三十

侍講學士臣羅國俊覆勘

武英殿纂修侍講臣陳嗣龍

欽定四庫全書

公是集卷二十六

五言長律

聞韓范移軍涇原兼督關中四路

宋 劉敞 撰

涇原非遠畧韓范各名卿地盡三秦國身當萬里城指
麾沙漠靜談笑鐵山輕報國心如日憂民病若醒終軍
材冠世汲黯直知名風雪隨車騎鷹鷂起旆旌年年戰

頻卬事事淚堪橫會刷蒼生恥重看鑄劒耕

送隱直辟青州幕府

全齊七十城表海寄名卿開府馳羔鴈除書得俊英借
籌心感激憑軾氣縱橫浩蕩軍中樂從容稷下生士由
知已用祿以及親榮送別羞長鉞能無歸去聲

駕幸飛山教場閱武侍宴

冬令三農畢時巡萬乘行川源分壁壘貔虎望麾旌王
氣雲成殿天光日繞營風隨鼓桴急塵絕馬蹄輕發石

機投短抨弦火激明響振摧列缺影墮落欖槍令下凝
霜肅恩加挾纊平寨旗輕俯仰奪梨妙縱橫壯士前歌
勇儒生縱觀榮炙行燧燧舉觴溢海濤傾清道遙傳警
鳴鞭夕向城欲知威略遠區外讐天聲

鳳覽德輝

開封府試

婉婉丹山鳳飄飄萬里飛識時翻羽翼覽德下光輝逸
勢凌雲起和聲逐吹微層霄猶降顧治世獨知歸繒繳
初無慮梧桐正可依願分阿閣地永謝楚狂譏

校獵同支使作

長郊被山澤積雪淨林臯殺物天時武從禽士氣豪
颶塵逐車騎鷹隼亂旌旄壯節排蒼極歡聲激怒濤興餘
生鼻火空闊散風毛狡穴無遺噍窮巢或暗嗥中原遂
除害汗馬敢辭勞勸賞車行炙均恩士籍醕歸塗喧鼓
吹餘勇屬鞬橐快意當如此君看歲月滔

得隱直書重陽日登高于三門禹廟悵然恨不參
之作一詩以寄

九日情何極三門望特高大河橫日夜砥柱析毫毛眺
覽興亡古登臨意氣豪窮源悲絕域微禹歎容刀萬事
浮雲去前賢逝水涵秋陰生遠塞殺氣起臨洮努力追
遊晚逢人應接勞黃花滿酌酒白鷺看驚濤醉舞相傾
倚商歌散鬱陶別離懷病友書禮諭綈袍俗態隨僇父
愁吟困楚騷飛車儻可得攜手恣遊遨

王祕丞惠然相訪并見遺蜀牋玄石硯

僕本時名薄君胡雅顧偏聞弦賞流水望氣覓龍泉談

笑心相得逢迎禮率然樵蘇從不費詩賦許深傳墨石
巴山硯魚鱗蜀客賤寵分通綈帶慕用比先賢知我春
秋貴論交金石堅誰能憚先進自古有忘年

送孫之翰知陝府

山河晉表裏方伯陝西東昔重諸侯選今煩太史公固
疑多直諫不得久居中時論譏憂半天心待攷功

宣帝出蕭

望之為郡論意曰所用皆更治民以攷功

旌麾都護道謠俗召南風偃息甘

棠下知君簡易同

吳資政守陝一年還守西都又改禮部寄示在陝
時詩作此致謝

分陝間何濶暮年迨有成去思仍舊俗來暮已新聲父
老壺漿遠兒童竹馬輕圖書還洛輿禮樂命春卿繼出
甘棠什流傳大雅情正風瞻豈弟舊觀復神明露鶴九
秋警霜蟬千里清知音非季子猶識二南并
召公居陝
周公營洛
也

寄張六卧疾在山陽

都門一分袂羈旅兩如何薄宦貧病久畏塗憂懼多

子自

宋抵此亦
為水驚

幾成哭寢戶幸免葬江波彌有三秋感誰杭

一葦過新愁添素髮幽境長青莎安得攜君手開懷醉
且歌

張樂洞庭

聞昔軒轅帝時巡臨洞庭咸池備廣樂南極燁威靈至
樂均夷夏希聲入窈冥江湖亂魚鳥宇宙激雷霆會有
馮夷舞還令楚客醒遺音不可學逝近向東溟

分題烏鳴山更幽

空山高不極，喧鳥自相求。
永日曾一哢，深林疑更幽。
遺音散虛谷，習響動岑樓。
寂寂千峯暝，蒼蒼萬木稠。
居成境外趣，真慰靜中游。
誰強騷人賦，王孫不可留。

社日宴臨波亭呈府公

春色池上好，公來朝日初。
棟梁歸喜燕，霖雨躍潛魚。
雲氣隨歌妓，林光暗碧車。

案碧車一本作隼旗

心閒簿領暇，興適酒

盃餘言志。吾與點論詩，商起予定知。
金谷集不比，右軍

書

送升之

諫官上耳目河北今股肱出處誰與並功名方見稱鉤
陳虛侍從天路逼飛騰急病忍濡足憂民先飲冰萬人
瞻使表百縣懾風稜雅意本朝在規摹方面憑寒荻待
暖律狡兔避秋鷹慷慨都亭語無嫌力未能

九月八日晚會永叔西齋

醉翁手種菊呼我宴西齋落日有餘興窮秋多所懷緩

歌揮白羽趣舞墮金釵烏帽何勝落黃花故自佳念離
還作惡處世亦安排蒼鬢聊相對青雲豈易階母容燭
見跋能盡酒如淮少作三年別人生定鮮諧

奉酬春卿資政給事見寄并貺法酒

王甸雄三輔侯邦重百城公雖縱談笑人自服神明烹
幹元和正陶鎔庶物精優游破餘地洒落動高情訟比
甘棠息居無吠犬驚勤追穎宮學繼出汝南評風雅移
方俗弦歌溢頌聲忘年及晚輩與進絕諸生預列登堂

拜陪參別乘行襟懷向客盡風彩照人清弧矢親觀德
滄浪並濯纓宴餘花爛漫獵罷雪縱橫末節形骸外良
辰樂賞并西曹寬吏謫東閣借賓榮密席明金炬佳人
出玉笙聽歌濃黛斂看舞小腰輕敢謂招攜訊由來許
與誠會知私坎井未可屈長鯨鳳尾騰中詔麟符寄別
京去思邈已遠陳迹浩難平叩叩煩書禮悠悠想旆旌
何時命霖雨舉世望阿衡逸唱回春藻深衷釋吝萌自
然心醉久那在酒如飴

次韻和宋職方北城

荷澤元通濟陶邱已近齊身紆會稽綬詔圻武都泥求
瘼初無術端居愧擇棲萬家嚴壁壘五雉聳樓梯版築
人同欲經營事不迷峻防誰敢慢隆棟可言低兵衛森
旂戟軍聲疊鼓鼙論詩譏自鄒肆士取諸睽物境晨昏
異賓朋步武躋遠烟春漠漠殘雪晝淒淒華髮歡同籍
他年恨解攜瓊瑰何足報埽壁為君題

蒙某借示新詩不勝嘆服輒妄作五言一首以誌

欣慕

元化陶鈞外中樞斗極邊濟時俱陟降均逸暫蕃宣近
輔城連十東方騎累千親歡主于適時論老而傳養志
古何有承顏能浩然君羹鼎味在綵服衮衣聯德表真
希世天倫略比肩名今萬石最

景帝曰石君四子俱二千石于是舉集其門號

萬石學肯一經專相戒南陔養廢歌棠樹篇塤篪盛迭奏

金玉爛相鮮錫類迂深眷懷歸私自憐一聞詩禮意特

悟昔人賢

陳亢聞詩聞禮又聞君子之遠其子某達親外補自以不足讀仲卿之篇聞一得三矣

觀後苑瑞蓮

靈液涵秋色仙花露夕香交陰分擢秀並蒂爛齊芳回
復天鍾氣深沈地獻祥寶燈輝四照文羽勢雙翔飛蓋
宸游密披圖祕牒光重華與同本併此祝無疆

擬御試求遺書於天下

中祕收圖籍清衷訪古初周爰馳使傳悉上得遺書事
有先秦舊文多變隸餘千巖窮禹穴四徹按岷嶓高閣
題天祿羣英議石渠定知奎壁彩從此麗雲居

河決東郡以平聲為韻叔父令賦

傳聞大河決遠與北溟通汜濫蛟鼉怒蕭條郡國空淇
淇園方下竹瓠子復修宮世代文成術民懷伯禹功沈
牲煩太史負土困關東封禪應知外誰人秦矩公

上夏太尉

四海傳烽急長安亦響振老儒稽變事

是時秦州守
坐邊事貶秩強

敵暴生民廷議衣冠客書聞草野臣諸公咸世傑天子
識平津開府三司舊提兵十萬新丹青大信著明白膚

謀伸賜馬飛龍亞分衣寶帶親貌貅帳下士鷓鴣幕中
賓虎節闕河雪天街畢昂塵朔方須築郡燕谷豫含春
策效曾無敵師行輒有神人心惟助順天道亦親仁執
鉞來刑號勾芒下賜秦成功符屈指默化劇陶鈞既已
通西域還應察珮珉焉知充國頌不足壯麒麟

次袁陟十四韻

羈旅嗟無友佯狂漢水陰相逢幸傾蓋送別悵分襟之
子雖吏隱高名何陸沈蛟龍蟠學海風雨潤詞林寡和

嘗歌郢傳經雅屬參

孔子作孝經屬參

丈人今諭蜀幹譽爾勞

心接浙子征遠看雲反顧深旅懷無去住秋色愴登臨
信有江山助宜無霧露侵相思見逸唱清絕響寒砧擊
節時孤笑開樽憶共斟歲華幾向晚客恨孰能禁城闕
愁回首詩人誨嗣音曾非青玉案為媿洛生吟

聞西使到闕

遙聞西域使來獻大明宮故事三苗比官儀敵國同賜
書深慰藉錫命極優崇含垢應王度懷柔尚古風蒼生

向來急殊俗此時通冠蓋長城北邊關絕幕東春秋大
一統吏事責三公何有長沙客題詩慟哭中

寄閬州諸弟

間西蜀大水

渤澥來參首西南入漏天泄雪三峽壅噴雨五河懸雷
電虛巖底虹霓白日邊孤城危獸角沈竈溢蛟涎胸臆
愁巴俗超騰怯羽仙傳聞吞夢澤想見墮飛鳶漢河星
槎遠泥塗劒閣偏空懷萬里浪興盡閬風前

九月二十五日名赴後苑觀稻

時惟兩府及講筵諸學士得預時方

講春
秋

農祥依帝力鈎盾即天田覽物秋成後回輿銓艾前膏
塋衆錦錯香穟萬珠聯共賞倉箱富初非雨露偏銅池
寒引溜玉樹晚含烟縱觀欣遊豫登嘗慶吉蠲執經紆
顧問拜賜濫周旋不負春秋學端逢大有年

行詣揚州壽寧寺

隋宮老荊棘淮地祖山川天子周王狩

周世宗嘗幸此

諸侯楚

社遷宿軍江水上休甲古城邊清蹕乃過此高臺亦宛

然殿空生影響畫古剝丹玄缺甃驚跳鮒遺碑失紀年
廢興真可感耆舊每多傳一詠蕪城作斜陽聞暮蟬

和喜雨

望歲憂農事為霖屬柄臣吁嗟動雲漢精稷驗天人霏
霧凝空曲雄風激水濱驅除斷炎燠洒埽淨埃塵勢欲
翻河海聲疑過鬼神山川共秀發穹壤劃清新庶物含
生意元和倚大鈞穴蛟深奮角轍鮒默翻鱗雷電天威
遠耕桑帝力勻依然四時正好在萬家春會府開清旦

高堂引慶賓沃焦心有待濯熱正無倫蒸礎遺占信隨
軒舊史真京師并福潤爰象在經綸舞罷看佻服談餘
識塾巾新詩追大雅與誦洽烝民單袷寒仍薄清和氣
已震晴暉明旭日霽色卷高旻疊疊希前哲淒淒幸及
辰陽秋書閔雨一頌魯公仁

病中逢秋欣然慰懷作五言呈兩倅

過更廢遠成懷祿滯歸休一卧淮陽閣三防塞外秋傷
時惟慟哭謝病不幽憂主畫稀前輩忘形賴雋游韓稜

才抗俗枚叔賦無儔感慨今如此支離尚有瘳涼風鴈
南去清夜火西流江海鱸魚興何當汎斗牛

詔書求方略之士咸令自陳

破敵須多士憂民賴九重公車皆自薦物議絕先容駿
骨何妨市金臺不易逢處囊爭耀末躍治要居鎔秋野
騰鶻鵠春雷起蟄龍吾徒正高卧欲老白雲峯

聞德州河決

九河乘積雨大水出平原無復金堤固空驚漏澤翻蛟

龍移窟宅魚鼈害黎元直想崑崙圻無疑渤澥渾三山
屢漂蕩百谷互并吞大懼曩倫數誰能謁帝閭

送子高知潤州

屈指朝廷士誰能望素風賢良方正舉父子弟兄同鄙
諺黃金貴愚儒白首窮今看一戰霸信有萬夫雄官秩
南宮峻天文右掖通塤簾諧大雅鴻鵠起層空帝子夸
鄉樂民懷濟物功吳人真得虎漢守去憑熊山勢端臨
北江流正直東遙知子牟意故在九城中

題幽州圖

代北屯兵盛漁陽突騎精棄捐看異域感激問蒼生尚
識榆關路仍存漢郡名可憐成反拒未見請橫行先帝
曾親伐斯人昔徯征大功危一跌遺恨似平城往者干
戈役因之玉帛盟權宜緩中國苟且就升平名號于今
錯恩威自此輕奈何卑聖主豈不負宗祊事有違經合
功難與浴評復讎宜百世刷恥望諸卿封畛唐虞舊氛
侵渤海清遺黎出塗炭故老見簪纓寒谷青陽及幽都

日月明此懷如萬一高揖謝縱橫

某往歲侍大人守丹陽粗知此郡之盛復戲成小
詩呈子高

自古佳麗地到今風物奇羣山盡迴抱綠水止逶迤事
體存都會繁華盛昔時秋聲雄鼓角曉色亂旌旗樓觀
渾飛動林巒互蔽虧子醵留客飲白紵送歌詞太守貴
如此郎官清可知虛投射堂策深恨著鞭遲

淮上期十一不至

淮上稱晨朝晨光滿麗譙有懷空悵望無和獨行謠水
色全含鑑林花半隱樵雲烟平宿莽鷗鳥破春苗野俗
陽歌麗游人白馬驕先生惟寂寞至樂亦逍遙洙泗風
差遠川原景幸饒思君不得見何以助簞瓢

和府公二十韻

百草迎年茂羣花逼夏零天工感寥落春事出丁寧皓
月彫寒魄鮮風結暖馨彩霞融縹緲甘露洒清泠照坐
千枝燭搖空九子鈴輕黃金綴縷凝碧玉鐫鉞爛漫輔

鮫錦襦褌聚鶴翎問名驚競秀變態駭流形鍾美應成
媼儲芳或景星意真乘澹泊氣淑倚娉婷淨影臨彫檻
疎音隔後庭瑤妃旦酣酒玉女夜窺櫺時世妝濃澹朝
雲夢窈冥魂從攀處亂醉任看餘醒禁籞曾迂幸天歌
獨仰聽一時矜絕出衆卉謝晶熒正爾生成巧由來造
化靈屬詞勞比興圖象費丹青雨重碧油幕燈昏雲母
屏謫仙才不世激賞為君吟

同貢甫賀錢子飛兄弟

盛德淳熙耀豐規振後昆降心徠俊傑前席問黎元嘉
會真千載休聲聚一門象賢俱秀出濟美並鴻騫性復
朱繩直書曾玉露繁十年森氣象江海豁詞源心伏驚
諸老名聞動至尊深嚴親賜策淵默靜臨軒明白朝廷
制丹青教化原屢聞呼萬歲爭誦累千言宜有非常遇
誰嫌不次恩官儀推粉署地望逼星垣今間人人得風
流善善存春華照棠樹高韻溢荒墳義辱交游接歡心
并笑煩空慙一枝小當謝北溟鯤

召赴崇政殿觀新樂

聖人千歲合禮樂百年興律以聲身效功兼述作稱道
將諧一變天欲佑丕承舊典周官在遺音制氏增獻書
嘉魏叟博物待延陵金石完新制工師變舊能英華融
治世淳古邈逾繩縱觀傾朝野賡歌望股肱和風動寥
廓協氣散凌兢帝所真疑夢天階自絕升三雍漢未盛
九辯夏徒矜珥筆欣攄頌名山益望登

社後雪

故陰不自斂飛霞一何驕
強妬春陽盛那妨玉琯調
滔天初極望見晷已全消
詎損朱華麗祗添綠野饒
泥塗窮道路締綵亂鼙貂
遂恐天時錯仍虞歲事枵
浮雲猶苦結燕賀乍驚飄
但使風從律無嫌物反祆
初過元日社又放紫宸朝
乘興從君飲孤音續郢謠

立春日乾祐縣送梅花

終南全近蜀春日得新梅
始信秦風是非關越使來

秦詩

終南何有
有條有梅
雪霽明白照雲葉薄誰裁
香重浮山露膚清

避俗埃衆芳知遠矣獨秀亦悠哉翦綵何勝妬嚴妝莫
自猜差池鼎鼐味曠絕棟梁材把酒千山外那令寂寞
開

淮西廟梅花獨此處有之

荏苒江南村芬菲臘後春逾淮翻不變映雪已爭新俠
骨香驚俗冰膚冷照鄰定非隨驛使直恐謫仙人聞笛
空含怨看圖恨失真應為一時賞莫與衆芳倫

形鹽象虎

備物崇賓饗斯鹽肖虎形熬波煩巧匠象武示君靈天
產參多品秋嚴聳外庭炳文隨鏤刻毅氣得儀型服孟
非同趣昭文亦異經碎身如見取調鼎薦芳馨

同徐監簿灞溪望長安

驅車凌灞岸回顧望長安北闕塵明滅南山氣鬱盤人
來日遠近城轉斗闌干長樂鐘聲斷秦川樹色殘聽歌
迷夏首倚瑟想邯鄲鬢變驚遊子因知行路難

捷詩

捷報蒼龍闕書從白豹城

賊中城名
大軍所至

關河開地利雷雨

肅天兵氣攝千山動威加萬里平獻俘多寶玉効首悉

長鯨社稷靈何遠巖廊策自精餘妖暫煦沫壯士待龔
行天馬來西域貂裘實上京遙知無干羽冠劍賀公卿

寄上濠州舅氏

天閭愁揚子諸侯困仲舒反為清淨誤竟以謗讒疎開
幕臨濠水懷章下石渠塞翁輕失馬莊叟樂觀魚倚杖
曾何怪逍遙直自如貴為千騎長富有萬家居卧理翻

無事高談雅不虛
舊憐狂簡性遙想
賦歸歟

和永叔對雪次韻

驚飈卷白日朔氣逼寒門
已密何須急雖多未覺繁
勢輕飛有態光潔瑩無痕
礫砢封喬木玲瓏綴夕軒
迹深看敝躡歌苦相車轅
測厚矜膚寸愁消怯晏溫
崩騰雲將合颯沓雨師屯
埽去蛟螭亂堆成虎豹蹲
夜明休秉燭詩興助開樽
公若憐萱桂那辭訪小園

為紀四謁舊相識

非無負米志復作退飛身豈但龍蛇蟄終慙鴻鴈賓蕭
條依陋巷契闊問通津長缺行焉往悲歌夜復晨交遊
青眼隔世路白頭新意謝栖栖佞情依戀戀仁敢齊天
下士真媿轍中鱗肯問三年學壺飧及病親

和郝幾聖俞持國雪十八韻依次用

集霰羣陰結飛靈萬寓低乾坤豁開闢方域露端倪廣
宇規茅藉彫牆築粉泥山容包紫翠壤色變玄黎筒葛
來從越冰紉製自齊遊歡慰枚馬獵興助良奚飾貌沾

珍粹因方銜角圭隙間峨可抵行際道先迷沾服驚遊
霧臨淵怪飲蛻調元思暖津踰伏憫靈螭幾誤烏成鵠
纔分鶴處難慘膚森若豎墮指酷逾剗澤國水還襲焦
原足易棲貧儒欣夜誦季女戚朝儕舟楫膠藏壑驂騑
滑踠蹄鄧冰歌競若撻殖杖頻攜景幸人人得詩從物
物題長吟歌真樂安羨舞前溪

奉同鄰幾詠雪

侵旦滿城雪從天萬里風陰沈朝日變慘澹宿雲同徑

渡湖沙遠羣飛海上空崩騰蕪上下眩晃失西東帝所
銀為闕河濱貝作宮瑤林高不極壁水闊無窮巨麗神
仙境精微造化工霏花爭爛漫噴霧極溟濛埽洒埃塵
豁苞含物象充牛衣愁病客鶴髮思衰翁侵冒貂餘黑
憑凌火似紅厲威深刻轢正色坦昭融妬舞多珍鷺迷
羣有斷鴻陽微怯頻復陰老恣驕雄節屋貧奢等輝牕
晝夜通歲華驚朔易故老識年豐占賦慙賓右聞歌慕
郢中閉門徒自喜乘興力難崇

再和鄰幾

冱寒凋暮節大雪冒神州氣象昏千里光芒混六幽度
前蛟過目墮曠葉驚秋烟素長誰引雲羅薄自浮勢輕
低更起影亂去還留玉石均朝采珠璣共暗投園城明
組練格野亂旗旒模象羣形富牢籠衆陰周履空諧曳
縱騁望快登樓栖壁函珍帶裝簾耀寶鈎潤應何澤比
甘豈井泉侔萬物紛同態繁陰慘共愁波聲增渤澥原
色借來趁邀醉時吹面欺貧屢洒裘驅除夏蠱盡排迮

楚氛收人謝泥塗辱家成汗漫遊畫圖饒粉堊比興極
歌謳積久風逾厲消遲歲聿道短才非子敵祕思為君
抽高韻侵梁郢煩言不可訓

壺公祠大樹

若人既羽化伊樹亦千年委榦龍蛇蟄

此樹枝反
下入土中

交陰

孔翠鮮流光駒過隙浮世海成田信有壺中藥能移物
外天真游藐何許神理信茫然會見遼東鶴悲歌感市

廬

壺公所居近市今此樹
乃在郊外非漢時城也

七言長律

劉永年部署清燕堂

漢庭謀帥用詩書丞相今來握虎符
帳下偏裨皆緩帶軍中談笑亦投壺
故開廣榭宜高會自有清泉入座隅
三輔衣冠獻謠俗五陵豪俠壯規模
椎牛釀酒捐長日急管哀弦舞豔姝
射取天狼作乾豆莫推衛霍擅西都

和王待制新作白鷺亭七言十韻

六朝形勢會層軒前俯蒼洲卻踐山
二水中分鑑澄澈

萬峯離立翠回環古人遺賞興亡外良守來居仁智間
聽訟遂同棠樹愛放懷真與海漚閒嘯餘風雨知何處
望及雲霞若可攀喬木參天愴城郭浮萍滿地笑人寰
楚謠清絕酣秋興吳拂從容舞玉顏象魏由來心自遠
淈淈聊復樂忘還披垣幸許追遐躅天祿仍欣接近班
塵土揚州頭欲白遠從君借慰疎孱

和陳度支杜城園池長韻詩

丞相文惠公
兄弟舊名園

三輔衣冠多俊賢邇來風物故依然君家復在城南社

時望從知尺五天韋氏訓經門益大鄼侯治第世相傳
雪殘太一虛無裏塵漲重城蒼莽邊修竹萬竿迷暗谷
清渠百道散鳴泉欣欣樹色知春近寂寂禽聲覺地偏
使節歸來同畫錦扁舟浮去似登仙裨謔適野非無興
更挹逍遙池上篇

賀春卿拜資政殿學士移西京留守

自昔東郊擇股肱至今莞鑰委名卿官儀高出金華殿
地理雄專北斗城寶帶別無天馬賜彩衣仍照玉符明

正風鼓動周南什和氣銷除武庫兵聽訟甘棠從勿翦
攀轅舊吏不勝情千年重得吳公守門下無由望賈生

公是集卷二十六

欽定四庫全書

公是集卷二十七

宋 劉敞 撰

五言絕句

蒲三首

青青水中蒲根葉自勾帶今我不如彼望君萬里外
青青水中蒲秀色宜三春常苦秋氣早飄飄悲路人
青青水中蒲誰能移之陸婦人繫所徇憔悴甘獨宿

順州聞角

北山三千里歸來已近邊如何聞鼓角晨坐更悽然

瑞竹

雙幹同本往來者因以瑞名

聳節偶相並雪霜終不迷應將古人比孤竹有夷齊

暮冬寄鹽城弟二首

流水應無極東流向海城殷勤囑雙鯉為寄別離情
海上春常早相思正一涯北風吹雪盡遙想折梅花

東樓

所謂觀風樓也

能懷望鄉思慎勿上東樓海氣常常霧淮聲故故愁

鼎池

前太守鑿此池深八九尺得銅鼎受一斗餘扁益如新鼎下有物如藥青紫色役人不知

棄水中藥下有丹砂可一升皆太守取去或云是金鼎子因號鼎池

丹成雞犬去鼎在陵谷遷惟有千年鶴時來浴水邊

嘯臺

高臺映水末極望有層軒覽物惟長嘯逢人未始言

酒舫

悠悠轉小棹漾漾逐浮萍載酒和嘉月投篇弔獨醒

杏源

在射堂西面略可通小船
兩旁種花有杏最巨故名

淺水通漁艇低花損帽簷東風日夜起幽興此中添

蓮池

在射堂東

東池種蓮子紅白間稀疎夏木陰成後君看錦不如

漁臺

在鼎池上北即城濠常觀魚于此

陳漁何處好層觀倚高城快意屠門嚼安知萬里鯨

花嶼

在鼎池

孤嶼曲池中芳菲四面同春愁隨雀舫繚繞未曾窮

袁真人祠

絳節朝何所白蜺空此堂神仙詎學得客到殫焚香

丹井

在真人祠

清源祗數尺知是鍊丹餘安得棲真子相邀肘後書

竹岡

其下丹井

層岡南面起仰見檀欒姿詰曲成幽洞因堪象武夷

武夷

有毛洞也

大楸

使宅堂前

長楸蔭栢堂小枝猶合抱得地遂天年斧斤安敢到

紅玉誰家女四首

燕中記
所見

紅玉誰家女雙瞳如水流映花看漢使不覺墜搔頭
紅玉誰家女明豔奪青春羞人不得語含笑卻成嘔
翠霞金縷衣獨立翳斜暉無奈春風蕩吹人只欲飛
春風能吹衣不能解人意使我為朝雲與君從此逝

清明後鴈

留滯江南久今來萬里歸春風稍和暖作意入雲飛

憶闕中諸弟

好去北歸鴈憑將千里書
潼關何日到送目故愁予
立春日宿高陽關以病酒不飲復用前韻

月色初元夜花香翦綵春
而公高陽客翻作獨醒人

寄書

區脫逢歸驛作書憑寄聲
那知夢識路先入大梁城

雨後回文

綠水池光冷青苔砌色寒
竹深啼鳥亂庭暗落花殘

芍藥

跼萼晴相照
芳香暖競飄
波翻蜀地錦
霞萃赤城標

萱花

種萱不種蘭
自謂憂可忘
綠葉何萋萋
春愁更茫茫

疊韻

圖書如蘧廬
吏事累志意
招邀即逍遙
醉寐自棄置

山行

荒徑惑東西
回環極翠微
空持征鳥意
長作準繩飛

池上

修竹仍封雪交渠已泮冰那知四時改獨有醉騰騰

過分水嶺

去去百憂集回頭歸路迷紛然萬行淚自逐水東西

草蟲扇子

洒落烟紈薄肖翹物象奇坐愁冰鑑釋深恐夏蟲疑

雄州留寄醉翁

沙漠惟逢雪燕谿不見春聊將曾折柳留待未歸人

馬上口占

冰澗縱橫水風松高下聲遠遊應易老跋馬更凝情

冬至

寒事欲無幾春歸方有期嘉辰正須醉愛日為君遲

南齋病卧

香卷風飄幌燈昏雨映簾客愁渾不寐更覺漏聲添

對月口號

今夜閨中月應憐破鏡輝南飛鳥與鵲為我報將歸

戲題

薄宦適百舌不如歸去來提壺沽美酒泥滑滑如苔
戲呈叔恬府辟入幕不諧得宛丘簿

聞道珠履客今朝黃綬歸定知高士貴一府莫言非
東池避暑二首

涼風千箇竹疎雨萬枝蓮自是清無寐非闌醉不眠
翠石琅玕色長楊風雨聲不須醉劇飲此地有餘清

古北口守歲二首

春渡遼東海星回幕北天悠悠鄉國別明日便經年

山盡寒隨盡

燕北諸山盡于此

春歸客亦歸一杯分歲酒送臘

強依依

公是集卷二十七

欽定四庫全書

公是集卷二十八

宋 劉敞 撰

七言絕句

題行者店石楠

無限荒山祇一家竹園蔬圃寄生涯
老翁手種石楠樹三十餘年看好花

翠鍾亭二首

空城風雨晦如秋
漠漠長江天際流
故倚高樓望行色
南山不見使人愁

江外羣山如畫圖
輕烟殘雪入荆吳
東風醉問春多少
遠郭垂楊十萬株

李氏池上醉中詩

春塘泉脈活龍鱗
宿雨花枝覆錦茵
薄俗不容白眼客
醉鄉自有葛天民

中秋夜作

淒風白露墮清秋月上江湖開客愁世事紛紛欲如髮
醉醒任意判悠悠

思鄉嶺

絕壑參差半倚天據鞍環顧一悽然亂山不復知南北
惟記長安白日邊

宿廬子嶺窮廬中

此嶺無水往來驛人常擔水自隨也

千山雪遶帳廬寒一半冰消塞井乾憶卧衡門甘泌水
可憐孤枕未曾安

摸斗嶺

盤峯回棧幾千層
徑欲凌雲攬玉繩
浪得虛名夸鄙俗
古來天險絕階升

狎鷗亭

波光柳色交相亂
野客沙禽特共閒
未醉那宜徑歸去
夕陽猶在杏花山

黃河

輕車重馬自相騰
橫度長河百丈冰
貝闕珠宮應浪語

黃沙際海谷為陵

過臨潢口號

雲消歸路暖無塵
試學章臺走馬身
塞柳闌榆莫相惱
小園桃李解迎人

寄張四二首

城下清淮百丈深
樓前明月冷鎔金
何似關山望處景
因人寄示隴頭吟

清秋千里夢相思
潁水滄浪各一涯
洗耳君方避堯舜

濯纓吾請學鴟夷

寄聖民十月十一日方到

跋馬望君秋暮時君來何後菊花期齋中故有金鈴酒

猶可籬邊倒接籬

汶陽有金鈴菊
酒味殊勝也

送蕭山和弟

江上蒼山百里國鑑中明府校書郎臘梅冬笋知時節

驛騎回時早寄將

絕句送和弟行東臯無過獻臣二首

落日濃霞輝碧潭
淮南風物似江南
榜船載酒隨鳬雁
物色詩懷著意探

西風滿眼荻飛花
楚澤秋光一半差
庖鱸好期張仲友
捲帆應帶海山槎

渭城

舉世幾人歌渭城
流傳江浦是新聲
柳色青青人送別
可憐今古不勝情

虎丘和孫可述

崑閬乘沙不可攀
蓬萊涉海去無還
寧知勝絕神仙境
近在青林紺宇間

畫屏二首

滔滔江湖萬千頃
何為飛來入軒屏
大滂不增旱不減
靜聽無聲視無影

六月炎蒸百慮煩
舉目一見心暫閒
市人悠悠那得識
此意高山流水間

自西橋至紫溫載酒作樂即事呈府公四首

欲暖水流初汎汎半閒人意正悠悠清觴自可輕捐日
高管無端吹暮愁

澹烟蒼翠籠高樹密竹交加隱曲堤水調向終人欲醉
夕陽稍近戍樓西

潛鱗畏樂勿復躍舒鴈避船爭亂飛乘興正須勤一到
會令魚鳥見忘機

主人宿望功名際下客素心江海中舟楫由來歸傳說
滄浪元自屬漁翁

雷琴

三百年中天下工，密移山水入號鐘。世間會有孫枝在，

自是知音不可逢。

予所寶琴大厯年中雷震斷到今三百年矣

晚步城上寄貢甫

雨過行尋舊履綦，江南山色遠相隨。池塘芳草新無限，
還引新詩入夢思。

雪後見山樓

春寒天氣似江南，閒倚高樓酒半酣。盡借前山作屏障，

更煩佳雪洗烟嵐

送人遊蘇州

莫倚春風爛漫遊
姑蘇臺上特多愁
傾城人逐鴟夷去
惟有空江日夜流

重登見山樓有感

高軒送目萬重山
不盡東西千里間
長嘯何由生羽翼
徑排雲霧看人寰

答鍾元達覓藕栽二首

紅妝翠蓋出污塗
水面風吹醉欲扶
自是凌波有仙種
文君莫訝茂陵姝

漸點青錢浮水面
猶將素節混泥沙
送君百頃風潭上
莫笑元非十丈花

新年

雪消冰解漏青春
醉眼驚看物物新
已識年華似飛鳥
直將身世委天均

果園巷訪楊寺丞

雪霽江城氣色春
果園巷口靜無塵
林間水上俱通馬
徑入誰能問主人

聞江十吳九得洛相酒戲呈二首

洛城春酒碧霞光
東閣遙分東觀郎
陳俠應嗤伯松拙
魏侯元惜次公狂

衆人皆醉屈原醒
天祿寥寥白髮生
束縕君當游相國
那能我自勝公榮

朝謁武信殿三首

旌旗千里自天來投策黃河飲馬回聖主醪兵方外服
東巡日觀望蓬萊

原廟衣冠渭北遊侍臣世世紀春秋敵馬何由向南牧
萬神相與衛軒丘

天下安危寄老臣幄中談笑靜邊塵丹青未備雲臺像
笳管猶悲道路人

微雨登城二首

雨映寒空半有無重樓閒上倚城隅淺深山色高低樹

一片江南水墨圖

日午風高新雨晴
殘花飛絮兩輕輕
垂鞭緩轡饒閒望
時復林間布穀鳴

簷下

簷下渠泉朝暮聲
樓頭山色四時青
此中故有無窮意
正要悠悠醉復醒

圍棋調鄰幾

華髮仙翁共奕棋
樵柯爛盡忘歸時
洞中日月遲如此

世上榮枯詎得知

見名西陽池汎舟仍示稚章因成二絕希笑覽也
畫舫欲隨波上下行人先似水西東翠萍卻是多情物
漂泊不離芳沼中

習池幾度共芳菲爛醉池頭到落暉臨去主人雖不名
山公能不少依依

順州馬上望古北諸山

平原不盡對羣峯翠壁回環幾萬重背日映雲何所似

秋江千丈碧芙蓉

伯勞

伯勞東去燕西歸可惜春光相見稀
惟有歌聲留別恨
畫梁三日更塵飛

同河中府簽判劉狀元廷平訪華陰雲臺觀陳搏
先生故居是日雲霧不盡見諸峯

平舒道上望諸峯翠出浮雲幾萬重
過客仍迷五里霧
真人與致二茅龍

題戚化源畫清濟貫濁河圖

濁河清濟坐中分
沙浪澄波兩逼真
自畫壁來多少日
能知清濁幾何人

西樓

西樓獨上不能迴
遶郭新花正盛開
誰信不曾騎馬出
春光自到眼前來

興慶池送江淮陳度支是日微涼

芙蓉滿地水浮空
不意江湖入望中
獨把一杯送歸客

可憐霸思滿秋風

九疑山圖

蒼梧南岸碧嵯峨直上雲衢不甚多
天使九峯迷萬世可憐虞舜不悲歌

送智慈

海上忘機是白鷗暫來非為稻梁謀
乘風又作滄浪別悵悵居人浪得愁

西掖聞鶯

宮樹陰陰翠蓋成
熏風盡日語流鶯
祗應欲助歸田興
故作林間舊友聲

遊龍山

七澤高秋霜葉紅
龍山一望夕陽中
愁來乘興時時往

楚老相疑是孟公

孟嘉在荊州遇興輒
造此山盡日乃反

出城

水映朱扉樹遶城
午天暄煦僕姑鳴
馬蹄款段春泥燕
自愛乘涼半日行

琵琶亭

江頭明月琵琶亭一曲悲歌萬古情
欲識當時斷腸處只應江水是遺聲

過湖城誦雋不疑傳作

北闕公卿如堵牆誰持一語判興亡
君知京兆人無及正用春秋侍帝旁

晚步

城頭雪色連雲色池面冰光亂日光
泥滑應須勞杖履

幽期恐後野梅芳

石牌磯

長江激水成飛電
蒼石橫波起疾雷
自覺心能仗忠信
布帆無恙御風來

送張岳同年

長安道側風塵裏
傾蓋相逢許白頭
誤在盧前已深愧
莫隨時態作沈浮

答劉同年寄青餽朮煎松湯并詩

自無金骨凌風相心愧仙翁度世方一聽山中白雲曲
已如揮手謝華陽

遣思

淮上秋光凝客恨城頭暮色滯斜暉獨醒未必能勝醉
遠望山來可當歸

楊無敵廟

在古口北

西流不返日滔滔隴上猶歌七尺刀慟哭應知賈誼意
世人生死兩鴻毛

雪中詣相國寺

西風卷雪白如沙
索漠空林開白花
病僧迎客興不淺
自啟軒牕煎越茶

柳河

相望不容三日行
多歧無奈百長亭
欲知河柳春來綠
正似山松雪後青

神山

在鹿兒
峽北

林立衆峯俱到天
傳聞此地有神仙
名山三在蠻夷國

方土之書猶信然

早春野泊壽寧觀

小徑連村行幾曲垂楊未綠草成蹊
門前野水還如帶恐是仙源使客迷

依韻奉和梅堯臣四首

陰雲著地無精光細雨翳日看微茫
千里江山在何處心憐社燕衝風翔

而今四海雖休兵猶有防秋在戍城
征婦裁衣欲寄遠

時將蟻子候陰晴

春草更綠春林衰長安游客未成衣淒淒計欲變寒色
一夜無語看燈輝

欲埽鵬翅還北溟欲引羲轡來東瀛從茲陰翳永絕滅
康衢不使泥塗生

春草

春草絲絲不可名水邊原上亂抽榮似嫌車馬繁華處
才入城門不見生

寄王閣使

十月十一日冀州相別十一月十一日聞過古北口

憶醉離亭舞翠娥舉觴同聽渭城歌故人卻出陽關見
愁問行雲奈若何

興化寺花

蟠桃浪占三千歲琪樹虛傳十二城爭似此花常在眼
風吹日炙四時榮

古北口

自古北口即奚人地皆山居谷汲耕牧其中而

無城郭疑此則春秋之山戎病燕者也齊桓公
東馬懸車涉辟耳之溪見登山之神取其戎菽
冬蔥布于諸侯蓋近之矣口占一篇因以傳疑
東馬懸車北度燕亂山重複水潺湲本羞管仲令君霸
無用俞兒走馬前

直舍竹下殘雪二首

阿閣三階敵井幹宮牆十仞逼雲端故留殘雪侵春事
欲伴孤篁老歲寒

重疊空階委玉塵
蕭疎碧篠束浮筠
池寒自稱孤高節
不共陽林競早春

十一月十五日朝拜章武殿雪中口占呈聖民學士

原廟衣冠月出游
侍祠義比漢諸侯
應有海神朝絳闕
勿驚飛雪滿崑丘

歲暮雪中寄隱直前年季冬與隱直相會京師凡十餘日

長安積雪深三尺窮巷相看共一樽
物色歲華還彷彿
異方回首重消魂

秋夜見月

微風送雨江南去涼月銜雲海上來
暑氣頓除秋暗入
忽疑浮漢弄昭回

別彥文

兔園風物共追遊直自霜秋到麥秋
何故臨岐猶有恨
未曾攜手上商丘

登新河橋詩

此河受三十六陂水

朝陽破霧水浮空
極目江湖一望中
三十六陂冰雪解
魚龍鱗鬣動春風

小園

弱柳低花俱有意
淺沙深竹總無塵
從今不恨交遊絕
還倚東風作主人

雪霽行小園

力埽牆根通野徑
少留林下訪初春
魂翻眼眩看梅杏

幾處攀條輒誤人

正月二日雪後到小園

新年已覺有春光
宿雪無多映夕陽
竹箭晴來依舊碧
柳條暖去不勝黃

納涼明教臺呈太守

臺下井泉冰冷滑
城隅川色劒光鉞
多慚簿領相寬假
全得南風一日涼

間張隱直率范十九佑之遊邊寄之三首

莫怪黃河來積石又疑弱水隔崑崙
若嫌古記難全信他日君歸與細言

未甘海上乘桴去猶託隆中竟日眠
努力英雄樹功業鄙夫洗耳太平年

紅旂白羽尚紛紛渭北洮河十萬軍
歷覽山川窮勝負

朝廷肯棄奉春君

說高祖料匈奴者

題淨嚴觀春波亭

滿目烟蕪蘸綠漪江淹遺恨楚江湄
仁人四海皆兄弟

何必東風悵別離

初雪

冥冥濃雪半空黑
烈烈北風吹日回
海水翻從九天落
龍沙卻渡五湖來

野人寄枸杞青蒿

爛蒸香薷白魚肥
碎點青蒿涼餅滑
宿酒初消春睡起
細履幽畦掇芳辣

答杜九重過東門船戲作

共醉江南日落春悲歌一曲思離人卻尋陳迹愁先亂
沉復青青柳色新

牡丹三首

刻成紅玉萬枝香排出華燈四照光
聞道閨風有琪樹可能一二敵芬芳

宮女妝花不必勻淺紅深紫自爭新
已能含笑驚愁眼枉是無言對暮春

密密芳華亂夕暉碧油幕下覺春遲
何時謝絕人間事

看盡東風爛漫時

題慧禮師雙樹院

雙樹婆娑三百年江南秀色上參天不知昔日誰來種

正為道人開法緣

慧禮初露止此樹下講經論四衆之今成屋五十餘間佛事甚盛也

揚州聞歌二首

淮南舊有子遮舞隋俗今傳水調聲白雪陽春長寡和
著書愁絕郢中生

半夜暖風吹朔雪東城南陌曉來春郊光野氣望不極

柳意梅香愁向人

徧閱齋房題名獨不見永叔戲作七言

十二樓居五碧城祠官多識漢名卿蓬萊仙客飛升早
不向丹臺稍刻名

自東門汎舟至竹西亭登崑丘入蒙谷戲題二首
汎汎扁舟春水平緣蘋白芷欲齊生王孫自喜山中客
莫唱淮南招隱聲

萬竿蒼翠隔晴川寂寞蕪城三百年此地重聞歌吹發

揚州風物故依然

養雞

耆舊漂零漢汝南長鳴獨與古無慙
蕭蕭風雨思君子欲倚空牕聽爾談

受詔俟代先遣家人南歸發後一日寄內七言

年長漸難禁遠別宵長初信有相思
天寒展轉不得寐一夜風吹庭樹枝

一百五多葉白牡丹答陳度支二首

玉色天香無與儔
猝風暴雨判多愁
君知大半春將過
初識人間第一流

嵩少雨晴寒食時
年年驛使按瑤墀
塵埃落莫長安陌
笑倚春風不自知

安福院二首

溪流婉轉樹蒙籠
複閣虛廊小徑通
下馬解鞍一長嘯
便疑身已出塵中

三十六陂秋水來
龍蛇奔走起風雷
老僧與置南軒地

會是憑欄心目開

此院在鄭門外三十六陂水出其下草樹幽邃有溪山之賞予勸寺僧鑿

兩牆為軒可以盡觀覽之勝也

題新開花呈永叔

野客賞春憐物華不將手觴新開花且留林下引狂蝶
看舞東風傾綠霞

東山

刺史獨孤及所游

獨孤刺史提千騎飛蓋驩游向此中高岸如今已成谷
還如峴首憶羊公

五色薔薇

春來百花次第發紅白無數競芳菲
解向人間占五色風流不盡是薔薇

黃薔薇

綠葉黃花相映深
水邊臺畔結浮陰
何人解賞傾城態
一笑春風與萬金

解林

已看秀色動高林
會見脩脩滿翠岑
不學渭川千畝富

欲聞嶰谷鳳凰音

杜鵑花

嫩紅輕紫仙姿貴
合是山中寂寞開
九陌風塵肯相顧
可憐空使下山來

公是集卷二十八

欽定四庫全書

公是集卷二十九

宋 劉敞 撰

七言絕句

閣後叢篠中自生梧桐手封殖之因作口號呈范
七王八二閣老

常詠椅桐待高鳳忽經阿閣見孫枝朝恩未放江湖去
更看亭亭百尺時

種梧桐

欲種梧桐滿碧軒春風岑寂映琴樽雖未能令丹鳳至

要須長絕衆禽喧

山僧說百鳥莫棲梧桐避鳳凰驗之頗然古無此論也

別永叔後記事

醉中不記別君時卧載征車南向馳驚覺尚疑君在側
滿身明月正相隨

即事

梅靨稀疎無賸白柳眉繁弱未全青牆頭紅杏春多少

醉看愁吟意總醒

寒蘆

洞庭木落風霜秋無葭處處使人愁可憐一見京塵裏
卻憶孤槎天際浮

呈主人二首

世上年華似車轂俗中形態若樊籠解開絳帳陳紅粉
何必通儒獨馬融

雨催春意苦無多柳色花香奈汝何誰舉一樽屬明月

小垂手舞緩聲歌

迎春花二首

穠李繁桃刮眼明
東風先入九重城
黃花翠蔓無人顧
浪得迎春世上名

沈沈華省鎖紅塵
忽地花枝覺歲新
為問名園最深處
不知迎得幾多春

自淮南移天平蕪西路安撫使六月五月初入東
界得快雨是時齊魯久旱欣然作小詩示攸奉世

等聊志一時意耳

東郊問俗擁征轅天與為霖破鬱煩慙愧泰山雲觸石
誤疑刺史雨隨軒

偃師驛觀先帝所植兩松及錢丞相壁記

華封耆老望車塵故以青松祝聖人雲去帝鄉桑變海
舊枝重疊長龍鱗

十二月二日

十月黃河冰未澌柳條若若草離離寒蛩逐馬聲相續

都似江南秋半時

便坐廷中稻生嘉禾兩本因成二十八字呈同僚
諸君

報政三年愧魯公將何歸奏未央宮便廷嘉穀知天意
因得從容賀歲豐

即事二首

長日熏風春欲回啼鶯鳴鵲亂相催不嫌柳絮都飛盡
惜許酴醾取次開

白社不知天上樂殘芳可惜逐東風誰家醪醑花正發
走馬平明看醉翁

種花五首

粉萼朱華俱滿叢鶯喧蝶舞亂春風前年手種今年看
自覺淹留已老翁

弱柳海棠雖晚栽翠眉紅臉已齊開蜀姬艷色巴姬舞
併送春愁入眼來

長愛武陵溪上人種花無數碧溪濱莫輕野客時情薄

看盡靈桃歲歲春

行遶新芳不擬回春光二月已全催江南寒食饒風雨
未落應須日日來

憶昔空園今作林牆頭枕上總成陰廢興人事非天意
時暫紛華亦賞心

探花郎送花坐中與鄰幾戲作七首

兩郎探花如顧山紅紫黃白俱可憐春風過此即埽地
爾復碌碌慰眼前

兩郎教蕩不自羈春物寂寥寧得知能讀離騷飲美酒
頭白江翁殊復奇

春服始成天氣新沂水風起如魚鱗由來舞詠吾與點
童子與公凡幾人

眼昏頭白老馮唐三十餘年離舉場春色年年在瓊苑
曾經十榜探花郎

漆洧芍藥堂背萱濃紅柔綠相映繁鄭衛之風久寂寞
坐無詩翁誰使言

醑醑薔薇香最奇
古人不聞今始知
世間此輩復何限
零落深林方足悲

牡丹開盡羣芳少
紅藥丹萱亦可憐
眼看春事已如此
有酒不飲詎為賢

桃花三首

消露濃霞滿眼春
攀香弄影地無塵
仙源一入吾將老
不學武陵溪上人

碧海仙山拂太微
春風蟠木發瑤池
人間日月知多少

坐見高花爛漫時

小樓西望那人家
出屋香梢幾樹花
只恐東風能作惡
亂紅如雨墮牕紗

聞御試畢寄同人

鵬欲圖南魚戴角
風雲變化不踰時
誰知遁世聲牙者
翻覆西牕數局棋

贈省判沈郎中

君家書二萬
卷皆精繕也

休文零落向千年
一世風流幾許傳
錦袋牙籤二萬卷

羨君能似昔人賢

在北得家書

論從定約欲車回
笑領雙魚手自開
便覺長安近于日
不聞人自日邊來

奉天門觀汝水

流水回還縈雉堞
亂山蒼翠擁層樓
會將綠蟻捐長日
幸有高風送麥秋

崑邱臺

重巒似欲學層城上有帝宮人不行訪古尋幽復觀化
垂楊生肘未曾驚

洪澤阻風

風振蒼山海逆流扁舟未濟使人愁聊把釣竿消永日
溪翁沙鷺共悠悠

時會堂二首

雪霽蒼山未有塵陽崖氣色已含春不關南國年芳早
自有東藩欲貢新

江湧岷山萬里來
地蟠崑嶺百尋開
故移蒙頂延年味
共獻無窮甘露杯

十二月雷後作

臘破春光逼眼來
暄風膏雨雜輕雷
黑貂已敝京塵裏
興發猶堪貫酒杯

寄賀隱直捷開封府解

高士何須輕主簿
客星今欲上靈槎
題名趁取臺中舊
前後龍頭屬當家

聞張給事倍道無程已過古北戲作七言

叱馭勤王肯暫留邊沙朔雪犯貂裘飛黃一日須千里
應笑迂儒騎土牛

雷雨

寂寞荒居草木深商歌猶足玩愁霖仰頭笑問豐隆苦
亦未妨人倚柱吟

梭櫚

轟影叱笔竿影直雪中霜裏伴松筠可憐憔悴凌雲色

還是昂藏獨立人

江梅

江南誰折一枝春
玉骨冰膚畫不真
撩亂清香隨驛使
塵埃滿眼正愁人

觀兒童逐兔輒失之戲呈希元二首

碧眼兒童誇絕倫
競馳犇兔蹙飛塵
俯身捷下重岡去
空聽弦歌不見人

滿目蒼山宿草衰
雪殘深谷正多岐
莫將弓箭窮飛走

笑殺黃鬚鄴下兒

賓相州人
髭亦黃

初出古北口大風

我持漢節議和親
北上邊關極海濱
宜有鬼神陰受命
勁風來埽幕南塵

十二月十二日齋祠西太一宮是日大風

絳闕碧城天與通
世間惟望氣渾融
神仙定與塵埃隔
自怪來時亦馭風

和聖俞逢賣梅花五首

送臘迎年越嶺梅幾時隨驛過江來上林桃杏矜顏色
已老東風寂寞開

三月都城雪卷沙幽芳偏恨雜羣花九衢何處江南客
一笑相知越女家

東阡北陌競春游弄雪翻雲為少留落去能無怨羌笛
折來端是亂鄉愁

安得繁英種滿園風前月下共方樽放歌起舞濃陰裏
長使清香濯醉魂

可憐風雨逼流陰無奈芳菲惱客心暫引江南春入眼
不辭多擲袖中金

觀城上梅花憶和

城頭梅樹花初發每到花前憶剡中白水碧山應不少
與誰攜手過春風

送張譯歸

雪霜載塗春欲晞江流水駐君北歸南方遐復久共住
可憐不及雙鳬飛

小園春日

草色初新柳帶長
宿烟清露濕朝陽
東山雲起西山碧
南舍花開北舍香

寄東平侍讀叔平侍郎

曲榭層臺花木深
春風千騎盛登臨
高山流水非無意
正得君來慰我心

上已不赴金明集招鄰幾談

樓船旗鼓颺春風
曲水浮觴一醉同
窮巷誰憐車馬絕

蕭條相對兩衰翁

梅雨

無窮雲霧濕梅天
終日昏昏只欲眠
髀肉生圓頭髮白
強尋高處望山川

詔賜御書稽古兩字作口號示子弟

毛玠素屏非俗物
韓稜寶劒得龍淵
謨明敢與臯陶比

稽古虛參堯舜篇

於時予知貢舉
又紀察刑獄

秋晚雨中隱几偶書寄聖俞五首

秋雲欺日不得光
西風送雨寒蒼茫
北來鴻雁翅羽濕
那能自致凌天翔

如聞蠻服愚弄兵
凶酋恃險愁孤城
軍書挿羽懼不急
安得良術吹天晴

窮秋未窮草木衰
里人過半單裳衣
谷中吹律不可待
上天愛日何時輝

我欲乘桴渡南溟
手攜水伯趨蓬瀛
秋來雨多蛟蜃喜
滿目愁見風濤生

安得獨上崑崙巔側身常近清陽邊氛妖墮散昏墊解
使我目朗心蕭然

羊角風

我似靈鯤初化鵬徑辭北海向南溟可煩更借扶搖力
已度臯蘭望紫庭

觀梅櫻桃

梅花欲落櫻桃盛白雪彤霞各自愁腸斷黃峯與粉蝶
東園來去不知休

潞河

飲馬長安行且謠雕鞍金勒映春朝潞河正月冰都盡

不惜障泥走度橋

在土城南

陳勝

夥涉矜豪欣據陳力崇司過督羣臣欲將燕雀輕天下
自使侯王不復親

客寄天台月桂子

天上仙人月裏栽無端飄逐海風來可能種作千尋樹

歲看高花爛漫開

辛卯十二月同持國游會靈觀各曾賦詩後一年
會靈燒高下俱盡天子為先朝所為不忍廢復治
集禧畧放渭陽帝祠制度五嶽同字母乏事而已
不能如向之鉅麗也戊戌十二月以事過謁祠下
作七言寄持國

白玉五城十二樓還曾同作采真游重來無復壺中景
惟見蒼林鎖碧流

戲成一首

參差翠嶂坐中分
斷續流泉盡日間
何異高唐與巫峽
夢餘真復有朝雲

雜詩三首

大梁公子樂邯鄲
愛士能從市井間
雖說平原傾食客
魯連猶蹈海濱還

季長誕節薄拘儒
俳笑紛紜絳帳居
為問從來三輔士
幾人門下撒衣裙

天祿先生空白頭時時好事載書游滑稽不及鴟夷輩
寂寞端成淑德侯

絕句

書苔滿地初晴後綠樹無人晝夢餘惟有南風舊相識
偷開門戶又翻書

彭城先輩未披奇采早飲雋聲遺詩寄答二首

清門早日映朝端俊域于今有二難虹氣韞來徒想玉
國香聞處已知蘭

劍池夜久光芒緊夢草春深景象寬
寄惠新詩仍過此
濡毫容易報琅玕

朝日偶作呈友人

漸知春意入城來
向午池冰已半開
和氣滿天真可望
憑君須上最高臺

榴花洞

熏風四月羣芳歇
火玉燒枝拂露華
偶坐清陰人不
到
白鬚道士進流霞

和永叔宿齋太廟間鶯二韻

碧樹凋零滿眼秋
黃鸝飛去使人愁
翰林仙老齋房客
猶恨人間歲月流

題庭前藥欄

宿雨初晴曉尚寒
土膏欲動未全乾
碧萱紅藥饒情態
世漏春光已滿欄

壺公祠送別

塵世紛紛多別離
一攀庭樹欲沾衣
不知何故壺中叟

能棄人間不復歸

山中作

空山日午東風起積雪半消巖下池
逐勝不知芳草遠
長謠石上失回期

淨土院從王伯初飲呈座人

雪滿春城幽興長
放歌起舞盡君觴
幸憐犀首飲無事
不怪次公醒亦狂

飲子華家醉翁不來因令鸞英彈醉思仙

翠眉紅袖拜尊前
撩弄春聲入四弦
坐少車公還不樂
為君重奏醉思仙

月下

蟾蜍滴露侵石垣
松檜吟風如澗泉
夕夢未窮山路遠
自疑乘月弄潺湲

城南雜題

當日龍船校五兵
旋開池沼學昆明
邇來封禪和平久

舊地分教百姓耕

講武池

垂楊冉冉籠清蘂細草茸茸覆路沙長閉園門人不入

禁渠流出雨殘花

玉津園

盤珊不稱三公位掩抑空妨數畝庭只有老僧偏愛惜

倩人圖畫作書屏

短槐在水陸院

早時風景愛東吳一到京師興益疎偶向城南疑澤國

夾川垂柳帶僧居

水寺

芙蓉池

綠華清葢滿方塘雨灑風吹著處香淨埽釣磯雙樹下

醉敲涼枕弄秋光

憶和

楚澤茫茫白芷生
春風紅樹語流鶯
高樓不見千巖路
落日空含萬里情

嘯亭雨後

風捲高花舞成雪
雨濕芳草綠侵雲
層軒獨立時惆悵
淮北春光過五分

西楚

楚割淮西自不輕元王賓客亦洪生重捐醴酒速高士
末路翻亡五十城

袁本初

橫刀長揖紫廷中健者寧須屬董公
郿塢然臍直假手始知天下有英雄

魏文帝

江水由來一帶橫魏文何事畏疑城
不應天意分南北自是無人敢請纓

武皇

武皇英氣古無儔
解道平城遺朕憂
汗血龍媒十八萬
單于臺下獵清秋

后土廟瓊花

廟吏云今年開花
絕少比舊歲憔悴

繁香簇簇三株樹
冷艷飄飄六出雲
移植天中來幾月
欲看憔悴老江城

送張奕進士歸廣德省親

南北旅遊三十年
相逢依舊舊孝廉
船千鍾不泊今吾老

羨爾歸安二頃田

自淮南遷東平移后土廟瓊花植于濯纓亭此花
天下獨一株爾永叔為揚州作無雙亭以賞之彼
人別號八仙花也或云李衛公所賦玉蘂花即此
聊以小詩記其所從來

海內無雙玉蘂花異時來自八仙家魯人得此天中樹
乞與春風賞物華

董相

江都治後徙膠西衰老諸侯等棄之為問平津相天下
尚開東閣欲賓誰

白登

白登計秘自堪羞相印猶歸曲逆侯安用熊羆三十萬

平城遺有子孫憂

武帝詔曰先帝遺朕平城之憂

鎖宿禮部中夜口號

浮雲不動月微明錦帳香寒夢易驚猶覺春風花未發
獨聞宮漏出重城

題送客亭別任迴

北飛鴻鴈南飛燕擾擾俱非自在身
莫向孤亭南北望
野花江草最愁人

送魏廣祕校同年

羨君歸著老萊衣風雨紛紛欲別時
會是東堂許為友
自憐扶路不勝悲

風雨

人生老去自多憂索索逢春卻似秋
過盡百花初不省

何須風雨更添愁

山光寺

隋家昔日歌舞地
荒草滿庭烟霧深
猶有老松長百尺
悲風來動海潮音

答張安內翰見贈二絕

雲鵬自合縱天池
蒿鷄寧嫌寄一枝
適往蚤間仙老辨
解嘲聊慰俗人嗤

玉螭階側鳳池邊
接武嚴徐愧昔賢
天驥絕塵方萬里

知君不顧繞朝鞭

答阮逸中允

天後天先隱姓名曾聞注易動公卿窮愁不得無編述
慙愧刪詩取正聲

小桃

鳴鳩喚雨天色變遲日烘雲花意催一日出遊三日醉
自知慙負小桃開

和趙七得屯田郎

童稚聞君賦上林
校讎偏愧接華簪
朝廷禮樂推先進
莫歎郎潛佩肘金

公是集卷二十九

欽定四庫全書

公是集卷三十

宋 劉敞 撰

制誥

龍圖閣直學士兵部郎中涇原路經畧使王素可
諫議大夫

朕臨御天下賴宗廟之靈方內乂安元元蒙福而往者
戎狄窺間緣隙時入為暴患皆在守圉之臣文不能附

衆武不足威敵使貪暴之民震驚朕師具官王素假節
剖符居邊三年內鎮撫百姓外教戰士令行禁止惠于
鰥寡爰及疆外羈縻之國咸懷服集不失朝貢中國以
安朝廷益尊此蕃衛之勲也詩不云乎大邦維翰其議
遷秩升于諫列以慰吏士出車東山之思

前邠州觀察推官李育可著作佐郎前趙州軍事
推官許林宗可大理寺丞

古之禮珪璋特達而璧琮有藉寶非不同也所從用之

異豈惟寶哉士亦宜然育用文學進有以自見林宗由
吏材選稱于知己夫蓬丘圖書之府廷尉法理之本往
為之屬各踐爾位思所以報毋隳而守

前秀州崇德縣尉左惟溫可漣水軍錄事參軍

天下無事人得養老長幼修孝悌之行甚善而猾惡民
起為盜賊奪攘以侵擾之郡縣所患者也汝以邑尉捕
擊如律尚書條上閹閱遷爾紀曹祇服明命益思自奮

西京左藏庫使忠州刺史高陽闕路駐泊兵馬鈴

轄時明可文思使

執干戈典兵馬之臣當以戰多勇功受賞于朝而但累
歲月計資攷以此取高位壯士之恥也然今天下乂安
士無所試其能故偏裨將帥例以恩進遷爾使列以觀
來效爾亦毋謂易而得之因易而守之盍亦竭節顧義
思所以報國者乎

宰相富弼奏試國子四門助教王淵宰相韓琦奏
鄉貢進士李常並可試將作監主簿

曩者朕親祀清廟推恩延賞而大臣得薦其門下之士
置之仕籍今丞相以淵等聞夫與吾陶冶萬物長育人
材者非丞相歟何惜一命以慰士大夫之望其慎所履
毋辱已知

內殿崇班唐詢可內殿承制

邊吏欲其奉法守職以安吾民而不欲其徼功興事以
撓王畧也故歲滿無負者輒遷其秩爾有治狀協于賞
格進承制命無墮常守

定武軍節度推官衛觀可大理寺丞常州團練推官沈披可衛尉寺丞

昔唐有天下諸侯自辟幕府之士惟其材能不問所從來而朝廷常收其俊偉以補王官之缺是以號稱得人今州郡從事皆吏部旨授然其試之臨政而不苟察之行已而有立亦皆一時之選也故吾亦且命以九卿之屬使漸而升于朝觀與披也既歷試于外又亟稱于知已得人之聲庶必能勉焉

禮部侍郎參知政事曾公亮可加正奉大夫進封
開國公食邑五百戶賜推忠佐理功臣

朕承七廟之光繼三聖之緒惟慎祀時享未足副盛德
委事有司未足盡誠孝故稽曠典厯吉日親率公卿躬
執豆籩昭見祖宗並受祉福若乃哀時之對申錫無彊
天寓之內莫不受慶而況一二耄老肅雍顯相者乎具
官曾公亮德器渾厚智謨閑達予欲觀于雅頌參玄鳥
清廟之詩以追孝于前人汝明予欲謹于王事極四海

九州之美以備物于大饗汝圖予欲時和年豐以薦厥
嘉生登黍稷之馨汝翊予欲制禮協樂以對越太室交
神人之雍汝助夫賞國之典不可廢也進階中朝頒爵
上公衍食加田勒忠甲令使百執事粲然皆知輔德政
治之報焉不其偉歟

將作監林洙可司農卿

自周以來稷為大官今吾非廢稷不務也而官益輕豈
居其職者未能勉乎具官林洙資稟通裕臨履修潔擢

正卿位尚宜其事昔乃先正實領大農之任以迪文考
今年穀未充邊人望哺爾其勤身敏行無忝名實予以
勸穡飭民庶有賴焉濟爾世美不其多乎

都官負外郎邢夢臣可待御史殿中丞沈起可監
察御史裏行

御史執憲轅下紀綱國體非雅亮勁正之士不足參論
議廣聰明拯與景初吾所信也使之慎簡厥僚必皆其
人而拯也起間景初也以夢臣可稽之閥閱察之望

譽人咸曰允哉予甚嘉之夫鑒以明故可正容繩以直故可形枉毋勤小補而遺大體毋忽近務而隳常守事君盡禮其可以報知己乎

屯田員外郎胡揆除都官員外郎

朝廷鎮撫四夷以綏中國貴于息民而不務佳兵故常敕邊吏毋邀奇功五嶺已南蠻夷雜居其俗剽悍尤為易動而桂州一都會也前通州軍州事尚書屯田員外郎胡揆承用詔旨悉心疆事終揆之任恬然無虞亦可

謂善吏能宣明威信者矣夫守邊之患常在見小利不達大體以侵迫驅奪之為故至大亂貽憂吾民則若揆者不可以不賞也稍增其秩以示褒寵

陝西路都轉運使兵部郎中天章閣待制傅求可
右諫議大夫河北轉運使工部郎中天章閣待制
周沆可兵部郎中依舊

岐畢吾西土也被山帶河百二之險而有昆夷之虞燕
毫吾北土也平原廣牧四戰之地而有獫狁之警瞻足

兵食綱領郡縣將命宣指甚難其人具官傳求明智敏
察表以文雅具官周沆深中篤厚居以名檢並委節傳
分按州郡皆有述職之勤美俗之風夫較攷陟明其來
尚矣或正諫省之列或遷夏卿之屬所以褒善勸能爾
其欽哉

司門員外郎張輦可開封府推官

京師者舉衆大之辭名之者也風俗雜而獄市繁治稱
浩穰吾今襄為尹急吏緩民甚有文理其僚虛席思得

敏才以左右之具官張聲嘗使行河決川滌源衆工胥
作輓漕以通其精力幹用效在已試俾贊輦轂之政尚
克有立夫都邑翼翼四方是則無習苟且違道干譽則
予一人汝嘉

太子中舍通判衡州張允可殿中丞

郡有倖貳闕決衆務所以優民事示重慎也俗吏不察
大體而矜勢怙權以爭重輕吏民反苦之甚非朝廷意
爾居職自若奏課亦善通籍循省以疇歲勞方天之休

爾其勗哉

兵部員外郎張中庸可開封判官

京師衆大之居其俗具五方而諸侯所視法也號稱難治蓋自古記之為之尹者專用擊斷則網密俗敎崇之以寬則威信不立故常擇精明疏通之人以參其職具官張中庸材劇而用博行修而志堅處煩決疑必有餘裕俾贊浩穰之政當適寬猛之中根本之地爾惟欽哉度支郎中李碩可三司戶部判官

財賦大計一出于民取之寡則用不足然而民逸取之多則用有餘然而民困此三司之難也術不能通輕重智不能調盈虛則吾不以為之僚具官李碩嘗以名字典郡風采奉使敏以為政精于檢下所到而治有迹可紀使之參計耗登贊舉籌策庶可以不傷財不害民乎往即會府毋乏乃事

龍圖閣直學士趙師民包拯刑部郎中

任莫重于有土功莫美于宜民故周設加地進律之典

而漢著增秩賜金之令以勸能者朕折衷焉拯識清氣
勁直而不撓凜乎有歲寒之操師民經明行修敏而好
學浩乎若天府之富俱備顧問並參法從屢獻切直之
議講聞絕出之業而勤請為郡期于報政曾未期月翕
然治聲昔望之自以諫臣恥于補外而龔勝進以儒者
窘于撥煩我圖傑材無愧往哲宜程功次之久俾踐刑
曹之屬褒善陟明乎我休命

樞密直學士右諫議大夫權三司使包拯加上輕

車都尉食邑

祀者國之大事也而祿又加大焉朕既親饗祖考承致
多福慶賜所被自公卿大夫六師庶衛執干戈之人外
薄四海罔不畢及措紳歡呼士卒鳧藻其調度費用一
出大農固亦勤矣其強志盡瘁夙夜匪解任重權專不
可以非理撓使吏謹其職下安其業民不加賦而國有
餘財以成朝廷之大禮可無褒乎古者敘六勲之等藏
乎天府者固以旌有勞頌五爵之封行以真食者固以

優有德有司其明按舊事申錫休命以稱朕意

程戡檢校太傅宣徽南院使判延州

西戎即敘方外無警然而襟帶之地重兵所集欲守衛中國宣明威信非股肱舊德惟幄宿望豈足與朕同西顧之憂哉某識量閎博猷為靖密政事之幹長于治人忠厚之誠形于事上陟降二府勤勞歷年所以翊亮國體裁成機畧為益多矣其誰間然乃者辭劇就閒委權謝事雖嘉沖尚之意俾遠侍從之列而風力克壯問譽

攸屬方且修邊備以愴遠俗豈宜輟老謀以忽外慮參
榮四貴視秩三師衍以爰田之封畀以元戎之寄文武
惟憲爾其勉焉

罷諸路同提點刑獄使臣置轉運判官

國家無覆寓內疆理天下分立州邑十有八路惟吏之
不平民之失職政之頗類獄之糾紛未能獨察也故設
糾虔之司使奉欽恤之寄專屬朝案貳以武吏誠欲審
疑察枉釋冤決滯納民于不冤流化于無訟而武吏或

起世家或由軍功文墨期會未必深究監司背項適增其繁夫非其習而望其效違其方而冀其功不亦難乎其罷諸路同提點刑獄使臣令樞密院勘會已及二年者即令赴闕未及二年者與就移合入差遣及于河北河東陝西緣邊兵馬多處相度添置路分都監以次補用庶幾人盡所長官不虛受夫轉運使之任所寄耳目治財賦集事功也江南東西荆湖南北廣南東西福建益梓利夔等十一路此其去京師遠者萬里近者數千

里或跨帶山海峴崎蠻夷而皆一負主之處則無與參
慮出則無與僇力設有緩急之警調輸之煩機會一失
民受其敝甚非豫慮先事之策其各增置轉運判官一
員以三年為一任選差第二任以上知州資序人候一
任滿日提點刑獄差遣初入知州及第任通判資序人
候滿兩任日與提點刑獄差遣若居部無狀墮職敗事
亦重行其罰蓋士常患任之不當其材無以見長用之
不久其任無以見功今朕別異文武使得自試選擢賢

能使得次進吾于士大夫可謂無負矣其各竭力悉心
勉成功名布告中外咸諭朕意

太常少卿張鑄可光祿卿致仕

古者有司年至則致仕所以恭讓而不盡其力也具官
張鑄履尚夷粹足以檢俗精力強敏足以濟物而能顧
禮畏義願上印紱朕閔勞以官職之煩今聽其請夫佚
老之士雖不能輸力于朝其矯厲風節不亦過絕保祿
持寵不知止者乎俾列九卿以榮其歸祇若休命思底

終譽

無為軍錄事參軍馬易簡可太子中舍致仕

控搏祿利者至于遷籍損年飾貌匿衰以綏退休之期
爾齒未耄仕無缺行能決于去庸非庶乎自下郡掾升
東宮屬歸安鄉閭足為榮觀矣

權郴州軍事判官楊永可右贊善大夫致仕前岳
州平江縣張正已可大理寺丞致仕

年至還政典也而貪祿者或不能止能止者皆好禮者

也至于以庶自嘉者有不待年去矣今永也禮而正已也庶忽而不錄何以慰其子弟之心或升籍朝閭或丞事鄉寺歸榮鄉閭以樂暮齒

韓通贈中書令

易姓受命王者所以循至公臨難不苟人臣所以明大節周故天平軍節度使檢校太尉同中書門下平章事侍衛親軍馬步軍副都指揮使韓通定交霸府委質前朝荷戈共厯于艱貞錫壤迭分于戎律朕以三靈睠祐

百姓樂推言念元勲方疇異渥蒼黃遇害良用撫然追
升浴鳳之池式表潛龍之舊

皇伯故右武衛大將軍漢州團練使世榮可特贈
密州觀察使追封高密侯

敕禮以稱情而立文榮以哀死而加厚贈卹之典在于
有司具官某地近屬尊身修行治躬翔撫仕表儀公姓
內聯環衛之嚴外假州符之重奄至大故未究營途眷
言悼傷良用惻楚追賁庶車之秩仍疏侯社之封尚其

有知對越休命可

皇叔故右武衛大將軍漢州刺史叔豹可特贈夔
州觀察使追封雲安侯

敕具官某贈祿之典古有加等所以追賁材德而示愍
卹也我朝緣惇睦之恩崇哀榮之冊褒贈宗室厥有異
數以某托居近屬生有懿行開環衛之幕府領名城之
符章惜其不永遐齡遽遠昭世追錫庶車之寵仍啟侯
社之封眷惟知歆此休命可

皇叔故右監門衛大將軍叔奢可贈濟州防禦使
追封濟陽侯

敕具官某莫遠具邇公族之恩也生榮沒哀有司之事
也以某身居近屬居有顯譽未及修齡遽辭昭世愍焉
傷悼良以為軫建侯禦侮是為寵秩濟陽之區實為輿
壤錫命幽安用寧潛魄可

皇伯故龍武軍大將軍滁州團練使世經可贈洛
州防禦使追封廣平侯

敕具官某公族之恩莫遠具邇雖有疵吝榮而不殊某
庀職環尹領符要郡不淑而天良用惻悼追崇贈典申
錫休命防禦廣平因授侯印泉壤有知歆此光寵可

皇叔右武衛大將軍忻州刺史世枚皇叔右武衛

大將軍舒州團練使叔姑並可贈觀察使追封侯

敕生著令譽沒有餘榮所以好善而不忘觀功而無忽
矧吾近屬宜有嘉寵具官某等謹身自修學古敏志為
宗室之令望若都士之素守天闕不淑愍悼良深庶車

按俗之名茅土賜國之貴俾推贈典併示優恩尚其有
知膺此殊渥可

皇兄故右監門衛大將軍士穎可特贈洺州防禦
使追封廣平侯

敕莫遠具邇所以厚睦族之恩生榮沒哀所以隆宜賙
之禮眷惟近屬庸有加等具官某資性好善始終寡尤
享年不永早世無祿興悼于再思有以稱俾崇卹典下
慰九泉使麾領州之盛侯印啟封之貴併疏密章用光

壤戶可

皇姪右監門衛將軍克孝妻某氏可封仁和縣君
常棣之詩其輯之亂曰宜爾室家樂爾妻孥知其為治
內之本也今夫宗婦有湯沐之邑封君之號此其所以
稱宜且樂不亦光大章顯乎具官克孝妻某氏憑慶良
興作嬪懿近柔靜之操足儀閨壺莊肅之風能承祭祀
俾疏列壤且擇令名尚無懈于夙夜思能對于休寵

參知政事程戡曾祖守瓌贈太子少保

德厚者流廣德薄者流狹朕親建配天之祀對越祖考
而股肱大臣恩不及三世則非重本追遠之義也某以
鴻漸之翼屈歌之政治如其民而攄蘊不盡教施其族
而慶鍾方遠肆爾曾孫毗予大政朕嘉與之同德協義
丕承宗廟故若稽貴始之典推本貽謀之實且欲申人
後之寵教天下以孝褒加愍冊列于孤卿九原而有知
也其尚榮我丕顯休命乎

曾祖母某氏追封郡太夫人

迺者朕以戡有英濟之器謨明之望故選于衆置諸丞弼而中外翕然咸以爲宜夫源深者其流永根固者其枝茂朕以此知程氏之世家聲靈曩必有積仁累慶沒而不朽者矣夫用人之子遺人之先豈示民訓俗之道哉戡于國制得贈三代故以禴狄顯而廟室和氣猶存歆後于有

祖某贈太子少傅

人之情爲父祖則欲其子孫之貴爲子孫則欲其父祖

之榮朕所矜式大臣表顯先正申錫異數追加寵爵庶
曰有以慰其孝思乎某處幽履素抱德懷和才能見遺
于時文采不表于世然而于公仁恕高門有待太邱道
廣奕葉方起不有褒崇之冊豈稱燕貽之心哉有司其
判密章以少傳之報綏之雖戡哀往奉先可以無憾也
妻曹氏追封安定郡夫人

召南歌賢者風而鵲巢美夫人之德此言朝廷之教必
先始于近而公侯之貴得以榮其家也某氏生於茂族

有溫惠淑懿之稟歸于君子有夙夜警戒之益夫善同者報等體敵者禮均今哉積德累行參榮宰路而其妻車服命號未之能稱則禮有不答豈典也哉詩不云乎如山如河象服是宜期疏善郡之封以章有家之慶

曾祖母平原郡太夫人田氏追封某國太夫人

樞機之任下所具瞻必使澤副其爵服稱其禮而後可以一統類美風俗矣故吾于股肱之良加禮貌之重申錫寵數逮于曾門某氏具體聖善作嬪良家奧宮無違

相教無備既成蕃行之祉實啟燕翼之訓肆其裔孫服
在存輔原鍾慶于有後知積善之攸從俾疏大國之封
以極小君之寵綈服愍榮泥書密章足以光賁泉壤流
美厥後矣

祖太子少傅思義贈太子太傅

卿士之孝念祖修己則福祿從之朝廷之選尚賢報功
而典教備焉若其不懈于位無忝所生膺受光寵增益
天秩宜徇追遠之志以著率親之典某德操昭融業履

純茂久幽而不改有聞而無聲乃其元孫嗣承休緒陟
降四輔之密左右萬事之微懿厥勲勞既覃三錫之命
推夫燕翼實有先世之謀是宜崇飾愍章增賁幽安陟
春宮前傳之烈茂宗彞時享之華志氣尚有膺我休寵
祖母彭城郡太夫人劉氏追封某國太夫人

朕聞自仁率親至于祖而義備立愛廣孝始于家而道
遠然惟位崇者可以充其數德盛者可以如其志眷吾
鼎臣進執機柄俾增寵命以副具瞻某氏幽閒挺操婉

嫺成德珩珮之節光乎女圖山河之質宜是象服雖假
綸翟之寵領湯沐之封未從開國之崇尚缺宜孫之慶
函疏與壤薦錫愍章庸俾寵光增賁泉路

母京兆郡太夫人王氏追封某國太夫人

綸翟小君之命湯沐六郡之封王澤下流國人稱願在
乎多士可謂盛矣其有相教甚茂子貴增進薦錫寵章
以輔孝治某氏淑慎之質稟乎天性柔順之美居為少
師委蛇山河之德積累閨壺之慶雖萬鍾之養弗待而

二南之風藹存是宜疏成國之榮加祿服之貴將俾海
內化母慈之善廷臣懷子養之極往告其室尚茲歆顧
祖太師尚書令兼中書令楚王彬封吳王

古之禮于異姓固重矣而況國有大祀恩被天下而椒
房之貴別子之宗積善遺德鍾美儲慶而無漏泉之澤
及祖之榮則非王者之智矣某元精所生佐命之首昔
王業始基國命猶跼而能宣力股肱敬屈吳蜀謀無遺
策忠協成筭外之濟干城之安內之保帷幄之勝功兼

三傑聲冠羣后朕躬執圭瓚親祀太室觀于庭享之列
籍于景鐘之銘慨然敘不朽之迹興可作之感雖哀榮
義極褒禔禮備猶欲追以義王之封稱茲元勲之舊吳
大國也尚云享之

祕書丞范純仁父仲淹贈吏部尚書

朕親執圭瓚昭見祖考還御端門發號施慶昭天漏泉
恩靡不逮誠欲慰士大夫立身揚名奉先追遠之恩況
王室舊德功在盟府者乎某英亮特達宏正深雅文學

自奮忠義事上故入贊機政出董邊師朝廷以尊四裔
畏之可謂股肱心膂大臣之表矣不幸早世棟折梁壞
盡然傷之至今不忘聞其有後庶能濟美夫積善必報
顯親無遠追命之典自春秋固行矣苟可以旌忠臣之
節申孝子之感豈非崇勵風教通于神明者乎其以天
官冢卿告其封禪

公是集卷三十